

Headline	Galakan Minum Dua Gelas Susu Sehari		
MediaTitle	Berita Harian		
Date	03 Jun 2015	Color	Full Color
Section	Supplement	Circulation	314,000
Page No	11	Readership	942,000
Language	Malay	ArticleSize	322 cm ²
Journalist	N/A	AdValue	RM 11,100
Frequency	Daily	PR Value	RM 33,299



Galakan minum dua gelas susu sehari

Hari Susu Sedunia dicetuskan oleh Food and Agriculture (FAO), sejak tahun 2000 dan diraikan pada setiap 1 Jun.

Meneruskan sambutan itu, Dutch Lady Milk Industries Bhd (Dutch Lady Malaysia) tidak terke-

cuali dan ia bertujuan mewujudkan kesedaran mendidik pengguna mengenai kebaikan susu.

Lebih-lebih lagi, kajian Nutrisi Asia Tenggara (SEANUTS) oleh FrieslandCampina menunjukkan, sebanyak 47.5 peratus kanak-kanak di Malaysia mengalami masalah antaranya malnutrisi, obesiti dan lebih berat badan serta kekurangan Vitamin D.

Kajian sepanjang empat tahun oleh empat pusat penyelidikan utama dari Indonesia, Thailand, Vietnam dan Malaysia itu membatikkan sejumlah 16,744 kanak-kanak berumur sehingga 12 tahun.

Pakar Pemakanan Korporat Dutch Lady Malaysia, Loo Mei Fong berkata adalah penting bagi kanak-kanak mendapat nutrisi harian tepat dan secukupnya sejak kecil seperti disyorkan oleh Saranan

Pengambilan Nutrien Malaysia.

"Segelas susu mengandungi nutrien seperti protein untuk tujuan perkembangan dan tumbesaran, kalsium untuk membina kekuatan tulang dan gigi, Vitamin A untuk penglihatan, vitamin B2 untuk pembebasan tenaga daripada makanan dan vitamin D3 untuk membantu penyerapan kalsium dan fosforus.

"Ini bermakna dua gelas susu sehari (#2aDayMilk) sudah mencukupi untuk kanak-kanak mahupun dewasa menikmati faedah nutrisi daripada susu," kata Loo.

Loo berkata, sambutan Hari Susu Sedunia amat penting dan Dutch Lady Malaysia berbangga untuk menjadi salah satu organisasi pelopor di Malaysia yang mempromosi kebaikan susu.

Kukuhkan kesejahteraan

Sementara itu, Pengarah Pemasaran Dutch Lady, Anja Henze berkata, usaha berkenaan juga membantu mengukuhkan kesejahteraan keluarga dengan memastikan tubuh mendapat



khasiat secukupnya dengan vitamin dan nutrien yang tepat.

"Ibu bapa perlu menggalakkan tabiat meminum dua gelas susu sehari dalam kalangan ahli keluarga agar mereka lebih kuat dan sihat," katanya.

Sehubungan itu, bermula 28 Mei hingga hari ini, pengguna boleh mengambil bahagian dalam

Milk Snapshot Challenge dan berpeluang memenangi hadiah harian menarik yang ditawarkan.

Caranya mudah, ambil gambar anda dan keluarga menikmati saat gembira meminum susu Dutch Lady dan kongsi di <https://www.facebook.com/spread.the.goodness.of.milk> dan jangan lupa hashtag #2aDayMilk.

